



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N 9/23427

< 27 > 10 2022թ.

**Սամվել Դադիկյոյի Խաչատրյանին
Ք.Երևան Նոր Նորք Բ. Մուրադյան 2. 3, բն. 48**

Ուղարկվում է Սամվել Խաչատրյանի դիմումի հիման վրա ՀՀ ոստիկանության պարեկային ծառայության վարչական բողոքների քննության բաժանմունքում իրականացված վարչական բողոքարկման վարույթի արդյունքում թիվ 8200291097 որոշումը բեկանելու և վարչական իրավախախտման վերաբերյալ գործի վարույթը կարճելու, իսկ թիվ 8200307414 և 8200291418 որոշումները անփոփոխ թողնելու մասին որոշման օրինակը:

Առդիր՝ << >> թերթ:

Պետ

ոստիկանության գեղապետ

Ա. Ումրշատյան

կատ.՝ Վ. Մաթևոսյան

ՈՐՈՇՈՒՄ

ՀՀ ոստիկանության պարեկային ծառայության վարչական իրավախախտման վերաբերյալ գործով 07.09.2022թ-ին կայացված թիվ 8200291418 և 28.09.2022թ-ին կայացված թիվ 8200307414 որոշումները անփոփոխ, իսկ 07.09.2022 թ. 8200291097 որոշումը բեկանելու և վարչական վարույթը կարճելու մասին.

<<27>> 10 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա.Ումրշատյանս, վերանայելով Սամվել Դադիկոյի Խաչատրյանի (Ծանուցման հասցե՝ ք.Երևան Նոր Նորք Բաղալ Մուրադյան փ. 32., բն. 48) (Այսուհետ՝ դիմող) 28.09.2022թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

07.09.2022թ. ժամը 03:05-ին Երևան քաղաքի Աջափնյակ համայնքի Հալաբյան փողոցում դիմողի վարած «Հոնդա» մակնիշի 34 FN 705 հաշվառման համարանիշերով տրանսպորտային միջոցը կանգնեցվել է ՀՀ ոստիկանության պարեկային ծառայության 3-րդ գումարտակի 2-րդ վաշտի ավագ պարեկ, ոստիկանության լեյտենանտ՝ Արամ Բարսեղյանի կողմից:

Արամ Բարսեղյանի կողմից դիմողի նկատմամբ կազմվել է վարչական իրավախախտման վերաբերյալ արձանագրություն «Ծանապարհային երթևեկության անվտանգության ապահովման մասին» ՀՀ օրենքի 18-րդ հոդվածի 1-ին մասի <<գ>> կետի պահանջները խախտելու համար և վարչական իրավախախտումների վերաբերյալ» ՀՀ օրենսգրքի 128-րդ հոդվածի 1-ին մասի համաձայն կայացրել թիվ 8200291097 որոշումը՝ դիմողին տուգանելով 25.000 ՀՀ դրամ:

07.09.2022թ.-ին ժամը 12:10-ին Երևան քաղաքի Նորագյուղ թաղամասի Թաիրովի փողոցում ՀՀ ոստիկանության պարեկային ծառայության 4-րդ գումարտակի 1-ին վաշտի ավագ պարեկ, ոստիկանության մայոր՝ Վանուշ Հովհաննիսյանի կողմից դիմողի նկատմամբ «Ծանապարհային երթևեկության մասին» կոնվենցիայի 41-րդ հոդվածի 7-րդ մասի պահանջները խախտելու համար, այն է՝ հանդիսանալով Հայաստանի Հանրապետության քաղաքացի՝ տրանսպորտային միջոցը վարել է այլ երկրի վարորդական իրավունքի վկայականով, կազմվել է վարչական իրավախախտման վերաբերյալ արձանագրություն և «վարչական իրավախախտումների վերաբերյալ» ՀՀ օրենսգրքի 128-րդ հոդվածի 4-րդ մասի համաձայն կայացրել է թիվ 8200291418 որոշումը՝ դիմողին տուգանելով 10.000 ՀՀ դրամ:

28.09.2022թ. ժամը 02:02-ին Երևան քաղաքի Խանջյան փողոցում դիմողի վարած «Հոնդա» մակնիշի 34 FN 705 հաշվառման համարանիշերով տրանսպորտային միջոցը կանգնեցվել է ՀՀ ոստիկանության պարեկային ծառայության 2-րդ գումարտակի 2-րդ վաշտի կրտսեր պարեկ, ոստիկանության ենթասպա՝ Տարոն Սանոյանի կողմից:

Տարոն Սանոյանի կողմից դիմողի նկատմամբ կազմվել է վարչական իրավախախտման վերաբերյալ արձանագրություն «Ծանապարհային երթևեկության

մասին» կոնվենցիայի 41-րդ հոդվածի 7-րդ մասի պահանջները խախտելու համար և «Վարչական իրավախախտումների վերաբերյալ» ՀՀ օրենսգրքի 128-րդ հոդվածի 4-րդ մասի համաձայն կայացվել է թիվ 8200307414 որոշումը՝ դիմողին տուգանել 10.000 ՀՀ դրամ:

Դիմողը 28.09.2022թ.-ի դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով կայացված թիվ 8200291097, 8200307414, 8200291418 որոշումները մասնավորապես նշելով, որ ունի այլ պետության վարորդական իրավունքի վկայական՝ 5010149174, տրված 26.03.2013թ-ին ՌԴ – ի կողմից:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով դիմողին ուղարկվել է ծանուցում վարչական լսման օրվա և ժամի վերաբերյալ: Դիմողը նեկայացել է լսմանը, պնդել դիմումում նշված հանգամանքները և ներկայացրել այլ երկրի վարորդական իրավունքի վկայական:

Դիմումի քննարկման արդյունքում ձեռք բերված ապացույցների և փաստական տվյալների համադրմամբ պարզվել է, որ վարչական իրավախախտման գործով 07.09.2022թ. կայացված թիվ 8200291418 և 28.09.2022թ-ին կայացված թիվ 8200307414 որոշումները ենթակա են կատարման, իսկ 07.09.2022թ-ի 8200291097 որոշումը բեկանելու և վարչական վարույթը կարճելու հետևյալ պատճառաբանությամբ և հիմնավորմամբ.

ՀՀ ոստիկանության պարեկային ծառայության ծառայող Արամ Բարսեղյանի պարզաբանման համաձայն «Հոնդա» մակնիշի 34 FN 705 հաշվառման համարանիշերով տրանսպորտային միջոցը սահմանված կարգով կանգնեցնելուց հետո ստուգման արդյունքում պարզվել է, որ Ս. Խաչատրյանն իր մոտ չունի վարորդական իրավունքի վկայական: Նույնականացում կատարելուց հետո Ս. Խաչատրյանի տվյալներով վարորդական իրավունքի վկայական չի հայտնաբերվել, ինչի արդյունքում կազմվել է վարչական իրավախախտման վերաբերյալ արձանագրություն, իսկ տրանսպորտային միջոցը տեղափոխվել է պահպանվող հատուկ տարածք:

ՀՀ ոստիկանության պարեկային ծառայության ծառայող Վանուշ Հովհաննիսյանի պարզաբանման համաձայն Ս.Խաչատրյանի նկատմամբ վարչական իրավախախտման վերաբերյալ արձանագրություն է կազմել և կայացրել թիվ 8200291418 որոշումը, քանի որ Ս. Խաչատրյանը հանդիսանալով Հայաստանի Հանրապետության քաղաքացի՝ տրանսպորտային միջոցը վարել է այլ երկրի վարորդական իրավունքի վկայականով:

Տարոն Սանոյանի կողմից տրված պարզաբանման համաձայն՝ 28.09.2022թ.-ին՝ ժամը 02:02-ին Երևան քաղաքի Կենտրոն վարչական շրջանի Ա. Խանջյան փողոցում ծառայություն իրականացնելիս նկատել է «Հոնդա» մակնիշի 34 fn 705 հ/հ-ի տրանսպորտային միջոցը, որի լուսային արտաքին սարքերը սահմանված ռեժիմով

չեն աշխատել և կանգնացրել: Ստուգումից պարզվել է, որ «Հոնդա» մականիշի 34 ֆո 705 հ/հ-ի տրանսպորտային միջոցի վարորդ՝ Ս. Խաչատրյանը, հանդիսանալով Հայաստանի հանրապետության քաղաքի տրանսպորտային միջոցը վարել է այլ երկրի վարորդական իրավունքի վկայականով:

«Ճանապարհային երթևեկության մասին» կոնվենցիայի 41-րդ հոդվածի 7-րդ կետի «ա» ենթակետի համաձայն՝ սույն հոդվածի դրույթները Պայմանավորվող կողմերին չեն պարտավորեցնում՝ վավերական ճանաչել մյուս Պայմանավորվող կողմի տարածքում այն անձանց տրված ազգային կամ միջազգային վարորդական վկայականները, որոնք այդ վկայականները տալու պահին իրենց տարածքում ունեցել են մշտական բնակության վայր, կամ որոնք այդ վկայականը տալուց հետո իրենց տարածք են տեղափոխել մշտական բնակության վայրը:

«Վարչական իրավախախտումների վերաբերյալ» ՀՀ օրենսգրքի 128-րդ հոդվածի 4-րդ մասի համաձայն՝ ուժը կորցրած վարորդական վկայականով կամ ուժը կորցրած այլ փաստաթղթերով տրանսպորտային միջոցներ վարելը, Հայաստանի Հանրապետության քաղաքացու կողմից այլ երկրի վարորդական վկայականով տրանսպորտային միջոց վարելը, ինչպես նաև օտարերկրացու կողմից Հայաստանի Հանրապետությունում չգործող (ՄԱԿ-ի 1968 թվականի «Ճանապարհային երթևեկության մասին» կոնվենցիայի պահանջները չբավարարող) վարորդական վկայականով տրանսպորտային միջոց վարելը՝ առաջացնում են տուգանքի նշանակում՝ սահմանված նվազագույն աշխատավարձի տասնապատիկի չափով:

«Հայաստանի Հանրապետության քաղաքացիության մասին» ՀՀ օրենքի 4-րդ հոդվածի համաձայն՝ Հայաստանի Հանրապետության քաղաքացիությունը հաստատող փաստաթղթերն են՝ Հայաստանի Հանրապետության քաղաքացու նույնականացման քարտը և անձնագիրը, իսկ մինչև 16 տարին լրանալը Հայաստանի Հանրապետության քաղաքացիությունը հաստատող փաստաթուղթ կարող է չպահանջվել, եթե ներկայացվել են ծնոյան վկայականը և ծնողների՝ Հայաստանի Հանրապետության քաղաքացիությունը հաստատող փաստաթղթերը:

Նույն օրենքի 10-րդ հոդվածի 3-րդ կետի համաձայն՝ Հայաստանի Հանրապետության քաղաքացիներ են ճանաչվում Հայաստանի Հանրապետությունից դուրս բնակվող ազգությամբ հայ նախկին ՀԽՍՀ այն քաղաքացիները, ովքեր ձեռք չեն բերել այլ պետության քաղաքացիություն: Սույն կետի հիմքով անձը ձեռք է բերում Հայաստանի Հանրապետության քաղաքացիություն, եթե օրենքով սահմանված կարգով դիմել և ստացել է Հայաստանի Հանրապետության քաղաքացիությունը հաստատող փաստաթուղթ: Այս դեպքում անձը ճանաչվում է Հայաստանի Հանրապետության քաղաքացի՝ Հայաստանի Հանրապետության 1995 թվականի նոյեմբերի 6-ի ՀՕ-16 օրենքի ուժի մեջ մտնելու պահից:

Նույն օրենքի 13.1-րդ հոդվածի համաձայն՝ Հայաստանի Հանրապետության երկքաղաքացի է համարվում այն անձը, որը Հայաստանի Հանրապետության քաղաքացիությունից բացի, ունի նաև այլ պետության (երկրների) քաղաքացիություն:

Հայաստանի Հանրապետության երկքաղաքացին Հայաստանի Հանրապետության համար ճանաչվում է միայն որպես Հայաստանի Հանրապետության քաղաքացի: Սույն նորմը տարածվում է նաև 1995 թվականի հունվարի մեկից հետո, առանց սահմանված կարգի Հայաստանի Հանրապետության քաղաքացիությունից դուրս գալու, այլ պետության քաղաքացիություն ընդունած կամ

ստացած, ինչպես նաև Հայաստանի Հանրապետության քաղաքացիությունից միակողմանի հրաժարված Հայաստանի Հանրապետության քաղաքացիների վրա:

Բնակչության պետական ռեգիստրի համակարգում եղած տվյալների համաձայն՝ դիմողը 18.04.2015թ.-ից հանդիսանում է ՀՀ քաղաքացի և ստացել է AU 0263503 անձնագիրը:

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի ա) կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության հանգամանքների առկայության դեպքում:

«Վարչական իրավախախտումների վերաբերյալ» ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով:

Այսպիսով, դիմումատուի արարքում բացակայում է «Վարչական իրավախախտումների վերաբերյալ» ՀՀ օրենսգրքի 128-րդ հոդվածի 1-ին մասով նախատեսված բազմաթիվ իրավախախտման կազմը, սակայն առկա են Վարչական իրավախախտումների վերաբերյալ» ՀՀ օրենսգրքի 123.5-րդ հոդվածի 1.1-րդ մասի նախատեսվածը:

Այսպիսով, նվերով վերադրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով կայացված թիվ 8200291097 որոշումը բեկանել և վարչական վարույթը կարճել:
2. ՀՀ ոստիկանության պարեկային ծառայության վարչական իրավախախտման վերաբերյալ գործով կայացված թիվ 8200291418 և 8200307414 որոշումները թողնել անփոփոխ:
3. Սույն որոշման օրինակն ուղարկել դիմողին և ՀՀ ոստիկանության պարեկային ծառայության Երևան քաղաքի գունդ:
4. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով սահմանված ժամկետներում:

Պետ,
ոստիկանության գնդապետ՝



Ա.Ումրշատյան